

Na osnovu člana 16. stav (4) Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 170. sjednici, održanoj 01.09.2022. godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona o usklađenosti Izmjena i dopuna Prostornog plana općine Kakanj za period 2010-2030.godina sa Prostornim planom Zeničko-dobojskog kantona 2009-2029.g. (“Službene novine Zeničko-dobojskog kantona”, broj: 4/09, 6/09 i 5/10) u dijelu raspolaganja, upotrebe i zaštite poljoprivrednog zemljišta i utvrđuje se Prijedlog Odluke o davanju saglasnosti na Izmjene i dopune Prostornog plana općine Kakanj za period 2010-2030.godina.

II.

Mišljenje i Prijedlog Odluke iz tačke I. upućuju se u dalju skupštinsku proceduru sa CD-om u prilogu, koji sadrži elektronsku verziju Izmjena i dopuna Prostornog plana općine Kakanj za period 2010-2030.godina (tekstualni i grafički dio).

III.

Zaključak stupa na snagu danom donošenja.

Broj: 02-_____/22
Datum, 01.09.2022. godine
Z e n i c a

PREMIJER

Mirnes Bašić

DOSTAVLJENO:

1x Ministarstvo za prostorno uređenje,
 promet i komunikacije i zaštitu okoline,
1x Stručna služba Skupštine,
1x a/a.

Na osnovu člana 49. stav (3) Zakona o poljoprivrednom zemljištu ("Službene novine Federacije BiH", broj: 52/09), Ministarstvo za prostorno uređenje, promet i komunikacije i zaštitu okoline Zeničko-dobojskog kantona daje slijedeće:

MIŠLJENJE

o usklađenosti Izmjena i dopuna Prostornog plana općine Kakanj za period 2010-2030.godina sa Prostornim planom Zeničko-dobojskog kantona 2009-2029.g. ("Službene novine Zeničko-dobojskog kantona", broj: 4/09, 6/09 i 5/10) u dijelu raspolaganja, upotrebe i zaštite poljoprivrednog zemljišta

Prostornim planom Zeničko-dobojskog kantona 2009-2029.g. ("Službene novine Zeničko-dobojskog kantona", broj 4/09, 6/09 i 5/10) utvrđuje se plansko upravljanje, korištenje i zaštita prostora kao osobito vrijednog i ograničenog dobra, a osigurava se kroz cjelovit pristup planskom uređenju, a sve na osnovu Zakona o prostornom uređenju i građenju ("Službene novine Zeničko-dobojskog kantona", broj 1/14 i 4/16) i posebnih ili drugih zakona koji uređuju, prije svega, prirodna bogatstva i dobra od općeg interesa kao što su poljoprivredno zemljište, šumsko zemljište, vodni resursi i dr. Prostorni plan grada/općine preuzima, prilagođava, razrađuje i dopunjava planska opredjeljenja iz Prostornog plana Kantona.

Izmjene i dopune Prostornog plana općine Kakanj za period 2010-2030.godina su usaglašene sa osnovnim načelima planskog uređenja i zaštite prostora i ciljevima prostornog razvoja Kantona utvrđenim Prostornim planom Zeničko-dobojskog kantona 2009-2029.g. ("Službene novine Zeničko-dobojskog kantona", broj 4/09, 6/09 i 5/10).

Izmjene i dopune Prostornog plana općine Kakanj za period 2010-2030.godina su po tematskom sadržaju i metodologiji usklađene sa Uredbom o jedinstvenoj metodologiji za izradu planskih dokumenata ("Službene novine Federacije BiH", broj 63/04, 50/07 i 84/10).

Ministarstvo za prostorno uređenje, promet i komunikacije i zaštitu okoline Zeničko-dobojskog kantona je, u skladu sa članom 33. stav (5) i (6) Zakona o prostornom uređenju i građenju ("Službene novine Zeničko-dobojskog kantona", broj: 1/14 i 4/16), dalo Saglasnost na Izmjene i dopune Prostornog plana općine Kakanj za period 2010-2030.godina broj 12-19-1353-7/21 od 18.03.2022.godine prije upućivanja Općinskom vijeću Kakanj i Saglasnost broj 12-19-1353-8-1/21 od 29.06.2022.godine nakon usvajanja amandmana.

U periodu donošenja Prostornog plana Kantona nije bila urađena Studija upotrebne vrijednosti zemljišta Zeničko-dobojskog kantona sa utvrđenim bonitetnim kategorijama i mjerama zaštite, te je Prostornim planom Kantona utvrđena obaveza njene izrade kako bi ista bila osnov za planiranje i zaštitu zemljišta na području gradova/općina u postupku izrade prostorno-planskih dokumenata. U martu 2011.godine je urađena Studija upotrebne vrijednosti zemljišta za područje Zeničko-dobojskog kantona, propisana Prostornim planom Kantona (naručilac: Vlada Zeničko-dobojskog kantona i Ministarstvo poljoprivrede, šumarstva i vodoprivrede, izvršilac: Poljoprivredno-prehrambeni fakultet Univerziteta u Sarajevu) koja je bila osnov za utvrđivanje osnovne namjene prostora i zaštitu poljoprivrednog zemljišta u Izmjenama i dopunama Prostornog plana općine Kakanj za period 2010-2030.godina.

Imajući u vidu navedeno, Izmjene i dopune Prostornog plana općine Kakanj za period 2010-2030.godina su usaglašene sa Studijom upotrebne vrijednosti zemljišta na području Kantona i Prostornim planom Zeničko-dobojskog kantona za period 2009-2029.g.

Zbog svega naprijed navedenog, predlažemo da Skupština Zeničko-dobojskog kantona, u skladu sa članom 49. stav (4) Zakona o poljoprivrednom zemljištu, da saglasnost na primjenu Izmjena i dopuna Prostornog plana općine Kakanj za period 2010-2030.godina koje je donijelo Općinsko vijeće Općine Kakanj na 16. sjednici održanoj dana 31.03.2022.godine.

Zbog obimnosti materijala, Izmjene i dopune Prostornog plana općine Kakanj za period 2010-2030.godina dostavljaju se u elektronskoj verziji (CD).

MINISTAR:

Arnel Isak

Na osnovu člana 49. stav (3) Zakona o poljoprivrednom zemljištu ("Službene novine Federacije BiH", broj: 52/09) Skupština Zeničko-dobojskog kantona, na prijedlog Vlade Zeničko-dobojskog kantona, na _____ sjednici, održanoj __. __. 2022. godine, d o n o s i

O D L U K U
o davanju saglasnosti na Izmjene i dopune Prostornog plana općine Kakanj
za period 2010-2030.godina

I.

Daje se saglasnost na Izmjene i dopune Prostornog plana općine Kakanj za period 2010-2030.godina, koje je donijelo Općinsko vijeće Općine Kakanj na 16. sjednici, održanoj dana 31.03.2022.godine, u dijelu raspolaganja, upotrebe i zaštite poljoprivrednog zemljišta.

II.

Odluka stupa na snagu danom donošenja, a objavit će se u "Službenim novinama Zeničko-dobojskog kantona".

Broj: 02- _____ /22
Datum, 01.09.2022. godine
Z e n i c a

PREDSJEDAVAJUĆI

Čazim Huskić

DOSTAVLJENO:

1 x Ministarstvo za prostorno uređenje, promet i
komunikacije i zaštitu okoline,
1 x Stručna služba Skupštine,
1 x Općina Kakanj,
1 x a/a.

Obrazloženje

Članom 49. stav (3) Zakona o poljoprivrednom zemljištu ("Službene novine Federacije BiH", broj: 52/09) propisano je da Skupština Kantona daje saglasnost na planove prostornog uređenja za manje prostorne cjeline unutar Kantona (područje općine, posebna područja, gradove i naselja), a u stavu (4) istog člana propisano je da se navedeni planovi ne mogu provoditi ukoliko za njih nije pribavljena saglasnost Skupštine Kantona.

Nakon što je Općinsko vijeće Općine Kakanj na 16. sjednici održanoj 31.03.2022.godine donijelo Odluku o usvajanju i Odluku o provođenju Izmjena i dopuna Prostornog plana općine Kakanj za period 2010-2030.godina, Općina Kakanj - Služba za privredu, urbanizam i zaštitu okoline zatražila od Skupštine Zeničko-dobojskog kantona, zahtjevom broj 04/1-732/22 od 07.07.2022.godine, da pokrene aktivnosti u vezi sa članom 49. Zakona o poljoprivrednom zemljištu ("Službene novine Federacije BiH", broj: 52/09) kako bi se Izmjene i dopune Prostornog plana općine Kakanj za period 2010-2030.godina mogle provoditi.

S tim u vezi, Stručna služba Skupštine Zeničko-dobojskog kantona je uputila zahtjev za provođenje potrebne procedure putem akta broj 01-19-1353-10/21 od 14.07.2022.godine Ministarstvu za prostorno uređenje, promet i komunikacije i zaštitu okoline i Ministarstvu za poljoprivredu, šumarstvo i vodoprivredu Zeničko-dobojskog kantona.

Imajući u vidu da se tražena saglasnost odnosi na upotrebu i korištenje poljoprivrednog zemljišta, propisanu članom 49. Zakona o poljoprivrednom zemljištu ("Službene novine Federacije BiH", broj: 52/09), i da se Ministarstvo za poljoprivredu, šumarstvo i vodoprivredu Zeničko-dobojskog kantona izjašnjava da nije nadležno za davanje saglasnosti ili mišljenja na prostorne planove, a da je Ministarstvo za prostorno uređenje, promet i komunikacije i zaštitu okoline Zeničko-dobojskog kantona u skladu sa svojim materijalnim propisom, odnosno članom 33. stav (5) i (6) Zakona o prostornom uređenju i građenju ("Službene novine Zeničko-dobojskog kantona", broj: 1/14 i 4/16), dalo saglasnost na Izmjene i dopune Prostornog plana općine Kakanj za period 2010-2030.godina, Ministarstvo za prostorno uređenje, promet i komunikacije i zaštitu okoline Zeničko-dobojskog kantona pokrenulo je potrebnu proceduru u cilju davanja saglasnosti Skupštine Kantona na Izmjene i dopune Prostornog plana općine Kakanj za period 2010-2030.godina u vezi sa članom 49. Zakona o poljoprivrednom zemljištu ("Službene novine Federacije BiH", broj: 52/09).

Prema Mišljenju Ministarstva za prostorno uređenje, promet i komunikacije i zaštitu okoline Zeničko-dobojskog kantona Izmjene i dopune Prostornog plana općine Kakanj za period 2010-2030.godina su usaglašene sa osnovnim načelima planskog uređenja i zaštite prostora i ciljevima prostornog razvoja Kantona utvrđenim Prostornim planom Zeničko-dobojskog kantona 2009-2029. ("Službene novine Zeničko-dobojskog kantona", broj: 4/09, 6/09 i 5/10), o čemu je u skladu sa članom 33. stav (5) i (6) Zakona o prostornom uređenju i građenju ("Službene novine Zeničko-dobojskog kantona", broj: 1/14 i 4/16) dalo Saglasnost broj 12-19-1353-7/21 od 18.03.2022. godine prije upućivanja Općinskom vijeću Kakanj i Saglasnost broj 12-19-1353-8-1/21 od 29.06.2022.godine nakon usvajanja amandmana.

U periodu donošenja Prostornog plana Kantona nije bila urađena Studija upotrebne vrijednosti zemljišta Zeničko-dobojskog kantona sa utvrđenim bonitetnim kategorijama i mjerama zaštite, te je Prostornim planom Kantona utvrđena obaveza njene izrade kako bi ista bila osnov za planiranje i zaštitu zemljišta na području gradova/općina u postupku izrade prostorno-planskih dokumenata. U martu 2011.godine je urađena Studija upotrebne vrijednosti zemljišta za područje Zeničko-dobojskog kantona, propisana Prostornim planom Kantona (naručilac: Vlada Zeničko-dobojskog kantona i Ministarstvo poljoprivrede, šumarstva i vodoprivrede, izvršilac: Poljoprivredno-prehrambeni fakultet Univerziteta u Sarajevu) koja je bila osnov za utvrđivanje osnovne namjene prostora i zaštitu poljoprivrednog zemljišta u Izmjenama i dopunama Prostornog plana općine Kakanj za period 2010-2030.godina.

Zbog svega navedenog, Vlada Zeničko-dobojskog kantona predlaže Skupštini Zeničko-dobojskog kantona da, u skladu sa članom 49. stav (4) Zakona o poljoprivrednom zemljištu, da saglasnost na primjenu Izmjena i dopuna Prostornog plana općine Kakanj za period 2010-2030.godina koje je donijelo Općinsko vijeće Općine Kakanj na 16. sjednici održanoj dana 31.03.2022.godine.

Zbog obimnosti materijala, Izmjene i dopune Prostornog plana općine Kakanj za period 2010-2030.godina dostavljaju se u elektronskoj verziji (CD).

MINISTAR:

